



ARETXABALETAKO UDALAREN ETA ARIZMENDI IKASTOLAREN ARTEKO DIRU LAGUNTZA HITZARMENA

Aretxabaleta, 2015ko uztailaren 30a

BILDUTAKOAK

BATETIK, Unai Elkorro, Aretxabaletako Udaleko Alkate-Udalburua.

BESTETIK, Arizmendi ikastolako zuzendari funtzioak betetzen dituen Joseba Iñaki Etxezarreta jauna.

Alde biek hitzarmen hau egiteko eskumena eta gaitasuna onartzen diote elkarri eta, honako hau

ADIERAZTEN DUTE

- I. Aretxabaletako Udalak herriko ikastetxeen lana aintzat hartzen duela eta diruz lagundu nahi dituela eraikuntzen mantentze gastuei aurre egiteko.
- II. Arizmendi Ikastolak Aretxabaletako ikasleak bi gunetan jasotzen dituela: Basabeazpin eta Almenen.
- III. Arizmendi Ikastolan 3-18 urte bitarteko 483 ikasle atxabaltar zeudela matrikulatuta 2014-2015 ikasturtean, eta 498 ikasle atxabaltar 2015-2016 ikasturtean.
- IV. Arizmendi Ikastolaren helburua, izaera kooperatiboa eta euskalduna duen irakaskuntza eskaintzea dela.

Diru laguntzei buruzko azaroaren 17ko 38/2003 Lege orokorreko 22. artikulua diru laguntza zuzenak emateko kasu bezala hitzarmenetan eta horiek arautzen dituzten araudietan ezarritakoaren arabera udal aurrekontuetan izendun diru laguntza bezala jasotakoak aurreikusten dituela.

ARIZMENDI IKASTOLARI, dituen mantentze gastuei aurre egiten laguntzeko, 22.126,90 euroko diru laguntza ematea aurreikusten dela Aretxabaletako Udalaren 2015eko aurrekontuan, gastu horiek aparteko tratamendua merezi dutela irizten baita.

Diru laguntzei buruzko Lege orokorreko 22. artikuluan eta horrekin bat datozen arauetan jasotakoari jarraiki, diru laguntza honi buruz alde biek hartutako konpromisoak arautzen dituen lankide hitzarmen hau sinatzen dutela alde biek. Hitzarmenak honako klausula hauek ditu:



KLAUSULAK

LEHENENGOA.- Diru laguntzaren helburua da BASABEAZPI eta ALMEN ikastetxeen mantentze gastuak, Aretxabaletako ikasleei dagozkienak, finantzatzen laguntzea ARIZMENDI IKASTOLARI.

BIGARRENA.- Diru laguntza 22.126,90 eurokoa da, BASABEAZPI eta ALMEN guneetan matrikulatutako Aretxabaletako ikasleengatik ematen dena, eta inolaz ere ezingo du Aretxabaletako Udaleko aurrekontuetan izendatutako diru-kopurua gainditu. Kopuru hori 22.141 eurokoa da 2015eko ekitaldi ekonomikoan.

HIRUGARRENA.- Diru laguntzei buruzko azaroaren 17ko 38/2003 lege orokorraren erregelamendua onartzen duen uztailaren 21eko 887/2006 Errege Dekretuko 76. artikuluan eta ondorengoetan ezarritakoaren babesean, modulu sistemaren bidez eman eta justifikatzen da diru laguntza hau.

Kontuhartzailetza sailak uztailaren 13an egindako txosten ekonomikoak adierazten du, Aretxabaletako Eskola Publikoan ikasten ari diren ikasle bakoitzagatik zenbat gastatzen duen Udalak, mantenimendu gastuei aurre egiteko. 247,10 euro ordaindu zituen 2014 urtean 2-12 urte bitarteko ikasleko, hain zuzen ere. Horren aurrean, Arizmendi ikastolan aretxabaletako haur asko ikasten ari direla-eta, mantenimendu gastuei aurre egiteko diru laguntza bat ematea arrazoituta dagoela ikusten da.

LAUGARRENA.- Diru laguntza helburu horretarako Estatuko edo Europako Batasuneko beste edozein administrazioetik edo erakunde publiko edo pribatuetatik edo nazioarteko erakundeetatik jasotako beste diru laguntza, laguntza, diru sarrera edo bitarteko batzuekin bateragarria izango da, betiere, beste laguntzak edo diru laguntzak arautzen dituzten araudiek ezarritakoaren kaltetan gabe. Hala ere, emandako diru laguntzak ezingo du inolaz ere, berak bakarrik edo beste diru laguntza, laguntza, diru sarrera edo baliabide batzuekin batera, diruz lagundutako gastuak gainditu.

BOSGARRENA.- Erakunde onuradunak ondoren zehaztuko diren dokumentuak aurkeztu eta hezkuntza arloko teknikariak Diru laguntzei buruzko Lege orokorreko erregelamenduko 88.3 artikuluan aurreikusitako txostena egindakoan ordainduko da diru laguntza guztia. Dena den, dirulaguntza honen %50a hitzarmena sinatzen den egunetik aurrera egingo da. Gainontzeko %50a 2015eko mantenimendu gastuen zuriketa egin ostean.

Aurkeztu beharreko dokumentuak:

- Ikastetxean Aretxabaletako zenbat ikasle dauden matrikulatuta egiaztatzeko agiria.
- Ekitaldiaren balantze ekonomikoa. Zeintzuk diren mantenimendu gastuak adierazten dutena.



Aretxabaletako
Udala

Galera eta irabazien kontua.

- Diruz lagundutako gastuak finantzatzeko jasotako beste laguntzei buruzko zinpeko aitorpena.

SEIGARRENA.- INDARRALDIA ETA ARAUDI APLIKAGARRIA

Hitzarmen honek 2015eko abenduaren 31ra arteko indarraldia izango du.

Erregimen juridikoari dagokionez, hitzarmen honi Diru laguntzei buruzko azaroaren 17ko 38/2003 Lege orokorra eta Diru laguntzei buruzko azaroaren 17ko 38/2003 Lege orokorraren erregelamendua onartzen duen uztailaren 21eko 887/2006 Errege Dekretua aplikatuko zaizkio.

ZAZPIGARRENA.- JURISDIKZIOA.

Hitzarmen honen interpretazioari, aplikazioari edo eraginei buruz sor daitezkeen auziak erabakitzeke eskumena Administrazioarekiko auzi-jurisdikzioak izango du.

Aurrean esandakoarekin bat datozela agertzeko, alde biek hitzarmen honen bi ale sinatzen dituzte, helburu bakarrarekin, goian adierazitako leku eta egunean.

Joseba Iñaki Etxezarreta
Arizmendi Ikastolako Zuzendaria

Unai Elkoro
Aretxabaletako Alkatea